

և գեղջկանց»¹², կամ թե «ռամիկ հետեակք»¹³: Աշխարհածողությունը կազմվում էին հատկապես այն ժամանակ, երբ արտաքին վտանգը դառնում էր սպառնալից: Նրա մեջ մտնող հետեակ զորքը կազմվում էր ռամիկներից, քաղաքային արհեստավոր դասից և գեղջուկ-շինականներից:

Կրիկյան Հայաստանի քաղաքական անբարենպաստ պայմանները ոչ միայն ստիպում էին զենքի տակ պահել հսկայական ռազմական ուժեր (որոնց թիվը պատերազմի ժամանակ տատանվում էր 80.000—100.000)¹⁴, այլև կատարելագործել ռազմական տեխնիկան, կառուցել բերդեր և ամրոցներ¹⁵, պատրաստել և վարժեցնել ձիավորներ, ազնվազորներ, շարխողներ, սակրավորներ»¹⁶ և հատուկ անձնակազմ, որոնցից հայտնի են զինվորական բժիշկները¹⁷ և բեռնակիրները¹⁸ բանակին մատակարարող տրանսպորտի անձնակազմը:

Սակայն բանակի հիմնական կորիզը «հայոց հեծյալն» էր, որը, ինչպես ասացինք, կազմված էր հեծելվորներից կամ ձիավորներից:

Ինչպես վերևում տեսանք, ձիավոր և հեծելվոր տերմինները, գործ էրածվել Կրիկիայի հայոց հեծյալում ծառայող ազատների համար¹⁹:

Հայկազյան նոր բառարանում ձիավոր բառի նշանակությունը տրված է այսպես. «ձիավոր որ ունի զնախապետություն ինչի զինվորական կարգի որպիսին են ազատ և մեծազգի զինվորքն որքն աստիճանաւ ելանեն ի զանաշան կարգս»²⁰:

Բացի ձիավոր կամ հեծելվոր տերմիններից Կրիկիայում ազատների դասին պատկանող ձիավորները կոչվել են նաև ձիավարժներ²¹, իսկ օտար ազդբյուրներում՝ chevalier բառով, որը ասպետի համազոր ֆրանսիական տերմին է²²:

Խաչակիր ասպետների օրինակով սահմանվել է ձիավորի աստիճան, որին հասնելու համար զինվորականը պետք է հրապարակայնորեն քննություն հանձնել ձիավարժությունից՝ նիզակի գործածությունից, նետաձգությունից և ասպետ դառնալու համար անհրաժեշտ բոլոր գիտելիքներից և ունակություններից և ապա հատուկ ձիավարեցման ծիսակատարությունից հետո ստանում էր ձիավորի, ձիավարժի կամ ասպետի կոչում:

Նոր Հայկազյան բառարանում և Աճառյանի Արմատական բառարանում «ասպետ» բառին վերադրված է իտալերեն «կավալիեր», իսկ հայերեն՝ «ձիավոր ազնվական», «հեծյալ իշխանավոր» նշանակությունը²³: Էդ. Դյուլորիեն ասպետ բառը գնում է Oasp, ձի իրանական փոխառությունից²⁴: Ա.Կադ. Հ. Մա-

¹² «Հանդէս Ամսօրեայ», 1954, № 1, էջ 68:

¹³ «Սմբատ Սպարապետի տարեգիրք», 1956, էջ 234, 245:

¹⁴ Նույն տեղում, էջ 231, վկանեմի: Documents Arméniens, T. I, p. 661.

¹⁵ Смбат Спарамет, Судебник, стр. 14.

¹⁶ Documents Arméniens, T. I, p. 661.

¹⁷ «Սմբատ Սպարապետի տարեգիրք», 1956, էջ 243:

¹⁸ Նույն տեղում, էջ 239:

¹⁹ Смбат Спарамет, Судебник, стр. 82—83.

²⁰ Հայկազյան Նոր Բառգիրք:

²¹ Ղ. Ալիշան, Սխան, էջ 441:

²² Dulaurier Ed., Journal Asiatique, 1861, № 18, p. 291.

²³ Հ. Աճառյան, Հայ արմատական բառարան, հ. 1, էջ 557—558:

²⁴ Ed. Dulaurier, Journal Asiatique, 1861, № 8, p. 291.